

Der Schulaufsatz

De Schull-Lehrer hot öfters, wenn er net grad gwißt hot wos er aufgem söll, des Aufsatzthema: Wos de Bauer etz ärbet, gem. Es wor im Brochmo (Brachmonat). Die Sunna steht do scho früh vo ihrn Bett auf, su a die Bauersleut. Der a Aufsatz hot begunna: Vorre und Jockel, der Knecht, senn um halber sechs mit die Gäul zum Futtermachen aufs Feld. Die Murre kocht Kaffee, die Maad Redl geht nein Stoll zen Kühmelken und Säufüttern. Nochng Futterhuln und Stollärbet is Kaffee getrunkn worn. Die Kinner senn nochert nei die Schul ganga. Die annern geht jedes sei Ärbet noch, die an aufs Feld, wo sie ackern, eggen, säa und Unkraut rupfen. Su geht unter viel Ärbet und Müh der Vormittoch vobei. Bis um elfa die Klüöß-Glockng läut zenn Mittochessen. Denn bis der Faulenzer aufstiet (gemeint ist der Lehrer) hot de Bauer scho dreimol gschwitzt.